



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CXIV. Innovatio Constitutionum, & Decretorum in favorem sententiæ
afferentis, animam B. Mariæ Virginis in sui creatione & in corpus infusione
à peccato originali præservatam fuisse, editorum.

[urn:nbn:de:hbz:466:1-74833](#)

ANNO 152
1661.

ALEXANDER SEPTIMUS.

rium statutis, & consuetudinibus etiam juramento confirmatione Apostolica, vel quavis firmitate alia robورatis, privilegiis quoque indultis, & literis Apostolicis etiam in vim contractus, aut Motu proprio, vel consistorialiter eisdem Congregationibus, illarumque Superioribus, & Personis sub quibuscumque tenoribus, & formis, ac cum quibusvis etiam derogatoriarum derogatoriis, aliisque efficacioribus, & insolitis clausulis, necnon irritantibus, ac aliis decretis in genere, vel in specie, ac alias in contrarium praemissorum quomodolibet concessis, approbatis, confirmatis, & innovatis. Quibus omnibus, & singulis etiam pro sufficienti eorum derogatione de illis eorumque totis tenoribus specialis, specifica, & expressa, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret tenores hujusmodi, ac si de verbo ad verbum nihil penitus omisso, & forma in illis tradita observata experimenterent, & infererentur praesentibus pro plenè, & sufficienter expressis habentes illis alias in suo robore permanuris ad praemissorum effectum hac vice dumtaxat specialiter, & expresse derogamus ceterisque contrariis quibuscumque.

Datum Rome apud S. Mariam Majorem, sub Annulo Piscatoris, die 21. Novemb. 1661. Pontificatus Nostri Anno septimo.
Originale conservatur in Archivio S. Mariae Pacis de Urbe, Canonicorum Regularium, Congregationis Lateranensis.

CXIV.

Innovatio Constitutionum, & Decretorum in favorem sententiae assertentis, animam B. Marie Virginis in sui creatione & in corpus infusione à peccato originali præservatam fuisse, editorum.

Conceptionis B. Mariae Virg. disputatio, quomodo sit prohibita & punita, vide ad Constit. 114. Pii V. & Pauli V. Constit. 97. & Gregor. XV. Constit. 34. Sanctissimi.

Edita An. D.
1661.

ALEXANDER PAPA VII.

Ad perpetuam rei memoriam.

Exordium.

S' Ollicitudo omnium Ecclesiarum, quā licet meritis & viribus longē impares, Dei Optimi Maximi voluntate, & providentia gerimus, in id Nos anxiè tenet intentos & vigilantes, ut scandalū quā inter fideles pro humanae naturae corruptione & fragilitate necesse est ut veniant, quantum fieri potest paucissima exortantur, utque exorta quā celerrimè, & quā diligentissimè amoveantur; nam iis per quos veniunt certam peccati perniciem, quibus verò præbentur præfens afferunt labendi periculum; quorum Nos pro nostro pastoralis officii debito, & damnum summo pere dolemus, & discrimine assidue utimur.

S. 1. Sanè vetus est Christi fidelium erga ejus Beatisimam Matrem Virginem Mariam pietas, sentientium, ejus animam in primo instanti creationis, atque infusionis in corpus fuisse speciali Dei gratia & privilegio, intuitu meritorum Iesu Christi ejus filii, humani generis Redemptoris à macula peccati originalis præservatam, immunitam, atque in hoc sensu ejus Conceptionis festivitatem solemnī ritu colentium, & celebrantium; crēvitque horum numerus, atque hujusmodi cultus post editas à fel. rec. Sixto PP. IV. prædecessore nostro in ejus commendationem Apostolicas Constitutiones, quas Sacrum Concilium Tridentinum innovavit, atque observari mandavit. Aucta rursus, & propagata fuit pietas hæc, & cultus erga Deiparam post erecta hoc nomine, approbantibus Romanis Pontificibus,

Pietas Christi
fidelium
in festivitate
Conceptionis B. V.
M.

religiosum Ordinem, & Confraternitates, ac confessas ab iisdem indulgentias, itaut aecidentibus quoque plerisque celebrioribus Academiis ad hanc sententiam, jam ferè omnes Catholici eam complectantur.

S. 2. Et quia ex occasione contrariae assertio-
nis in concionibus, lectionibus, conclusionibus,
& actibus publicis, quād nempe eadem Beatisima
Virgo Maria fuerit concepta cum peccato
originali, oriebantur in populo Christiano cum
magna Dei offensa scandala, jurgia, & dissensio-
nes, recol. memor. Paulus PP. V. etiam prædecessor
noster vetuit horum opinionem præfata senten-
tia contraria publicè doceri, aut prædicari.
Quam prohibitionem pia mem. Gregorius PP.
XV. similiter prædecessor noster ad privata etiam
colloquia extendit; mandans insuper in favorem
ejusdem sententia, ut in facrofano Missæ sacri-
ficio, ac divino officio celebrandis tam publicè,
quam privatim, non alio quam Conceptionis
nomine uti quicunque debeat.

S. 3. Nihilominus, prout Venerab. fratres Epis-
copi ferè omnes Hispaniarum cum Ecclesiarum
suarum Capitulis datis ad Nos literis exposu-
runt, accidente etiam insinuatione charissimi in
Christo filii nostri Philippi eaurumdem Hispaniarum
Regis Catholici, qui speciale super hoc mis-
sit ad Nos Oratorem Venerab. fratrem Ludovicum
Episcopum Placentinum, per quem etiam
delatae fuerunt ad Nos supplications Regnum-
carum Hispaniarum, pergunt aliqui contra-
riae illius opinione assertores contra præfatas prohi-
bitiones tum privatim, tum publicè præfata
sententiam aut impugnare, aut vellicare, & favo-
rem à Romanis Pontificibus cultui, & festo se-
cundūm illam præfutum ita interpretari, ut fru-
strentur; imò Ecclesiam Romanam huic sententia,
& cultui juxta illam Beatae Virginis exhibito favo-
re negant, pios Christi fideles è sua pacifica qua-
si possessione deturbare conando; unde offendio-
nes, scandala, & jurgia, quibus obviare voluerunt
Paulus V. & Gregorius XV. nostri prædecessores
perdurant adhuc, & ex occasione eorumdem aver-
santium majora his incommoda in posterum pru-
denter, & merito timentur. Quapropter super his
tam præfata Episcopi cum Ecclesiarum sularum Ca-
pitulis, quam memoratus Philippus Rex, ejus-
que Regna Nobis pro opportuno remedio instan-
ter supplicari fecerunt.

S. 4. Nos considerantes quād Sancta Romana
Ecclesia de intemperatæ, semper Virginis Ma-
rie Conceptione festum solemniter celebrat, &
speciale, ac proprium super hoc officium olim ordi-
navit juxta piam, devotam, & laudabilem insti-
tutionem, quā à Sexto IV. prædecessore nostro
tunc emanavit; volentesque laudabilis huic pietati,
& devotioni, & festo, ac cultui secundūm illam
exhibito in Ecclesia Romana post ipsius cultus in-
stitutionem nunquam immixtato Romanorum Pon-
tificum prædecessorum nostrorum exemplo favo-
re, necnon tueri pietatem & devotionem hanc col-
lendi & celebrandi Beatisimam Virginem, præ-
veniente scilicet Spiritus Sancti gratia, à peccato
originali præservativam; cupienteq. in Christi gre-
ge unitatem spiritus in vinculo pacis, sedatis of-
fensionibus, & jurgiis, amotisq; scandalis, confer-
vare: ad præfatorum Episcoporum cum Ecclesiarum
sularum Capitulis, ac Philippi Regis, ejusque
Regnum oblatam Nobis instantiam ac preces,
Constitutiones, & Decreta à Romanis Pontifici-
bus prædecessoribus nostris, & præcipue à Sexto
IV. Paulo V. & Gregorio XV. edita in favorem
sententiae assertentis, animam B. Marie Virginis
in sui creatione & in corpus infusione Spiritus
Sancti gratia donatam, & à peccato originali
præservatam fuisse, necnon & in favorem festi,
& cultus Conceptioni ejusdem Virginis Deipara
secundūm piam istam sententiam, ut præfer-
tur, exhibiti, innovamus, & sub censuris, &

pœnis

ANNO
1661.

Contraria
opinio pœ-
blicè doceti
non potest.

Supplicatio
Regnum
Hispanie.

Innovat
Constitut
prædecessor
rum Pon-
tifici.

1661.

Poenæ contra
tenentes
contrarium.

penis in eisdem Constitutionibus contentis observari mandamus.

S. 5. Et insuper omnes, & singulos, qui præfatas Constitutiones, seu Decreta ita pergent interpretari, ut favorem per illas dictæ sententia, & festo, seu cultui secundum illam exhibito frustentur, vel qui hanc eandem sententiam, festum, seu cultum in disputatione revocare, aut contra ea quoquo modo directè, vel indirectè, aut sub quovis prætextu, etiam definibilitatis ejus examinande, five Sacram Scripturam, aut Sanctos Patres, five Doctores glossandi, vel interpretandi, denique alio quovis prætextu, seu occasione, scripto, seu voce, loqui, concionari, tractare, disputatione, contra ea quicquam determinando, aut afferendo, vel argumenta contra ea afferendo, & infoluta relinquendo, aut alio quovis ex cogitabili modo differendo, ausi fuerint, præter poenæ, & censuras in Constitutionibus Sixti IV. contentas, quibus illos subjaceret volumus, & per præsentes subjicimus, etiam concionandi, publicè legendi, seu docendi, & interpretandi facultate, ac voce activa, & passiva in quibuscumque electionibus eo ipso absq[ue] alia declaratione privatos esse volumus, neconon ad concionandum, publicè legendum, docendum, & interpretandum perpetue inhabilitatis poenæ ipso factò incurrere abfq[ue] alia declaratione, à quibus poenæ non nisi à Nobis ipsis, vel à successoribus nostris Romanis Pontificibus absolví, aut super iū dispensari possint: neconon eosdem aliis poenis nostro & eorumdem Romanorum Pontificum successorum nostrorum arbitrio infligendis pariter subjaceret volumus, prout subjicimus p[er] præsentes, innovantes Pauli V. & Gregorii XV. superius memoratas Constitutiones, five Decreta.

Prohibet lib-
tos contri-
nentes con-
traria op-
tionem.

S. 6. Ac libros in quibus præfata sententia, fæustum, seu cultus secundum illam in dubium revocatur, aut contra ea quo modicumque, ut supra, aliquid scribir, aut legitur, seu locutiones, conciones, tractatus, & disputationes contra eadem continentur, post Pauli V. supra lantatum Decretum edita, aut in posterum quo modolibet edenda, prohibemus, sub poenis, & censuris in Indice librorum prohibitorum contentis, & ipso facto abfq[ue] alia declaratione pro exp[re]sse prohibitis haberi volumus, & mandamus. Veramus autem Sixti IV. Constitutionibus inherentes, quempiam afferere, quod propter hoc contrariam opinionem tenentes, videlicet gloriosam Virginem Mariam cum originali peccato fuisse conceptam, hæresis crimen, aut mortale peccatum incurrant; cum à Romana Ecclesia, & ab Apostolica Sede nondum fuerit hoc decidsum, prout Nos nunc minime decidere volumus, aut intendimus; quin potius contrariam illam opinionem hæresis, aut peccati mortalis, aut impieratis damnum audentes, præter poenas, quibus eos subiecti Sixtus IV. aliquie prædecessores nostri Romani Pontifices, gravioribus aliis poenis subjicimus, quas in contrafacientes huic nostra Constitutioni superius infliximus.

Contra Re-
gulares ali-
ter docentes.

S. 7. Volentes quod contra hujus nostræ Constitutionis transgressores, etiam regulares cuiusvis Ordinis, & Instituti, etiam Societatis Jesu, & quomodolibet exemptos, & alias quascumque Ecclesiasticas, & fœculares personas cujuscumque status, gradus, ordinis, aut dignitatis tam Ecclesiastica, quam fœcularis, ut præfetur, tam Episcopi, & Prælati sup[er]iores, aliquæ locorum Ordinarii, quam hæretica pravitatis ubique locorum deputati Inquisidores procedant, & inquireant, atque in eos strictè animadvertant: Nos enim iis, & eorum cuiilibet contra eosdem transgressores procedendi, & inquirendi, ac penis coercendi, & puniendo liberam facultatem, & auctoritatem iisdem auctoritate, & tenore tribuimus, & impartimur, eosque, ut præfertur, procedere, inquirere,

& punire districte præcipimus, & mandamus.

S. 8. Non obstantibus Constitutionibus, & ordinationibus, ac quibusvis indultis, & literis Apóstolicis quibusvis personis quantumcumque qualificatis, & in quacumque, etiam Cardinatibus, Patriarchali, Archiepiscopali, Episcopali, & quavis alia dignitate, & honore constitutis. etiam quod contra eos procedi, interdicti, suspendi, vel excommunicari nequeat quomodolibet concessis. Quibus omnibus, & eorum singulis, etiam si pro sufficienti illorum derogatione de eis, ipsorumque rotis tenoribus specialis, specifica, individua, & expressa, ac de verbo ad verbum, non autem per generales, etiam id importantes, clausulas, mentio habenda, aut alia exquisita forma observanda fore, tenores hujusmodi ac si de verbo ad verbum inferi forent, præsentibus pro sufficienter expressis, & inferi habentes, harum serie specialiter, & expressè derogamus, ceterisque contrariis quibuscumque.

S. 9. Ut autem hæc nostra Constitutio, & præmissa omnia ad eorum omnium, quorum interest notitia congruentius pervenire possint, in virtute sanctæ obedientiæ, & sub poena privationis ab ingressu Ecclesie eo ipso incurra præcipimus, & mandamus omnibus, & singulis locorum Ordinariis, ac eorum Vicariis suffraganeis, & Officialibus quibuscumque, & aliis singulis, ad quos quomodolibet spectat, & pertinet, quatenus hujusmodi nostram Constitutionem singulis sua Diocesis, vel districtus prædicatoribus, & aliis, quibus expedire judicaverint, opportunè insinuant, & publicent, ac insinuari, & publicari faciant, ne quis in posterum quo modo ignorantiam de præmissis possit prætendere, aut se contra præmissa valeat excusare.

S. 10. Volumus, & similiter eadem auctoritate decernimus, & mandamus, quod præsentes literæ per aliquos ex nostris Cursoribus in Basilicarum S. Joannis Lateranensis, ac principis Apostolorum, & Cancelleriæ Apostolice valvis, ac in acie Campi Flora de Urbe de more publicent, & affigantur; quæ affixio & publicatio ita omnes & singulos, ad quos spectat, afficiat, & arceret, ac si illis personaliter intimatae fuissent; & quod illarum transumptis, etiam impressis manu alicujus Notarii subscriptis, & sigillo alicujus personæ in dignitate Ecclesiastica constituta munitus eadem prorius fides adhibeat, quæ præsentibus literis adhiberetur si ostensæ, vel exhibita forent.

Datum Roma apud Sanctam Mariam Majorem, sub Annulo Piscatoris, die 8. Decemb. 1661. Pontificatus Nostri Anno septimo.

Dat. P. A. 7.
die 8. Dec.Contrariis
derogat.Præcipit or-
dinariis pu-
blicationem.Transump-
torum fides.

CXV.

Breve Beatificationis Francisci de Sales Episcopi Genevensis.

Edita A.D.
1661.

ALEXANDER PAPA VII.

Ad perpetuam rei memoriam.

Exordium.

Spíritus Sanctus, qui suo incomprehensibili ju-
dicio humilitatem, atque infirmitatem nostram posuit regere Ecclesiam Dei, quum in Divinis scri-

pturis